



Deddf Treth Gwarediadau Tirlenwi (Cymru) 2017

2017 dccc 3

RHAN 4

GWAREDIADAU TRETHADWY A WNEIR MEWN LLEOEDD HEBLAW SAFLEOEDD TIRLENWI AWDURDODEDIG

PENNOD 2

Y WEITHDREFN AR GYFER CODI'R DRETH

47 Yr amod ar gyfer codi treth

- (1) At ddibenion y Bennod hon, mae person yn bodloni'r amod ar gyfer codi treth mewn cysylltiad â gwarediad trethadwy os yw'r person—
 - (a) wedi gwneud y gwarediad, neu
 - (b) wedi achosi neu ganiatáu i'r gwarediad gael ei wneud, gan wybod ei fod yn gwneud hynny.
- (2) At ddibenion is-adran (1)(b)—
 - (a) mae person a oedd, pan wnaed y gwarediad, yn rheoli, neu mewn sefyllfa i reoli, cerbyd modur neu ôl-gerbyd y gwnaed y gwarediad ohono i'w drin fel pe bai wedi achosi i'r gwarediad gael ei wneud, gan wybod ei fod yn gwneud hynny, a
 - (b) mae person a oedd, pan wnaed y gwarediad, yn berchennog, yn lesddeiliad neu'n feddiannydd y tir lle y gwnaed y gwarediad i'w drin fel pe bai wedi caniatáu i'r gwarediad gael ei wneud, gan wybod ei fod yn gwneud hynny, oni bai bod y person yn bodloni ACC neu (ar apêl) y tribynlys nad achosodd neu na chaniataodd y person i'r gwarediad gael ei wneud, gan wybod ei fod yn gwneud hynny.
- (3) Caiff rheoliadau wneud darpariaeth bellach neu ddarpariaeth wahanol ynghylch—

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Treth Gwareidiadau Tirlenwi (Cymru) 2017, PENNOD 2. (See end of Document for details)

- (a) amgylchiadau pan fo person i'w drin fel pe bai'n bodloni (neu heb fod yn bodloni) yr amod ar gyfer codi treth, neu
- (b) materion sydd i'w hystyried wrth benderfynu a yw person yn bodloni (neu heb fod yn bodloni) yr amod hwnnw.

(4) Caiff y rheoliadau ddiwygio unrhyw ddeddfiad sy'n ymwneud â'r dreth.

Gwybodaeth Cychwyn

- I1 A. 47 ddim mewn gym ar y Cydsyniad Brenhinol, gweler [a. 97\(2\)](#)
 I2 [A. 47](#) mewn gym ar 1.4.2018 gan O.S. 2018/35, ergl. 3

48 Pŵer i ddyroddi hysbysiad rhagarweiniol

- (1) Caiff ACC ddyroddi hysbysiad rhagarweiniol i berson os ymddengys i ACC—
 - (a) bod gwareidiad trethatwy wedi ei wneud yn rhywle nad yw'n safle tirlenwi awdurdodedig, nac yn rhan o safle o'r fath, a
 - (b) bod y person yn bodloni'r amod ar gyfer codi treth mewn cysylltiad â'r gwareidiad (gweler adran 47).
- (2) Rhaid i hysbysiad rhagarweiniol—
 - (a) nodi'r tir lle yr ymddengys fod y gwareidiad trethatwy wedi ei wneud;
 - (b) disgrifio amgylchiadau'r gwareidiad a natur y deunydd a waredwyd, i'r graddau y maent yn hysbys i ACC;
 - (c) datgan pryd yr ymddengys y gwnaed y gwareidiad, ac os yw ACC wedi amcangyfrif pryd y gwnaed y gwareidiad, esbonio sut y mae ACC wedi amcangyfrif hynny;
 - (d) esbonio pam fod ACC o'r farn fod y person y dyroddir yr hysbysiad iddo yn bodloni'r amod ar gyfer codi treth mewn cysylltiad â'r gwareidiad;
 - (e) datgan swm y dreth y bwriedir ei godi ar y gwareidiad;
 - (f) esbonio sut y cyfrifwyd y swm hwnnw, gan gynnwys y dull a ddefnyddiodd ACC i bennu pwysau trethatwy'r deunydd a waredwyd.
- (3) Rhaid i hysbysiad rhagarweiniol hefyd hysbysu'r person y'i dyroddir iddo—
 - (a) y dyroddir hysbysiad o dan adran 49 ar ôl diwedd 45 o ddiwrnodau sy'n dechrau â'r diwrnod y dyroddir yr hysbysiad rhagarweiniol,
 - (b) y caiff y person wneud cais i ACC ymestyn y cyfnod hwnnw, ac
 - (c) y caiff y person gyflwyno sylwadau ysgrifenedig i ACC unrhyw bryd cyn y dyroddir hysbysiad o dan adran 49.
- (4) Caiff un hysbysiad rhagarweiniol ymwneud â mwy nag un gwareidiad trethatwy neu â nifer heb ei ganfod o warediadau trethatwy.
- (5) Ni chaiff ACC ddyroddi hysbysiad rhagarweiniol fwy na 4 blynedd ar ôl i ACC ddod yn ymwybodol o unrhyw warediad trethatwy y mae'r hysbysiad yn ymwneud ag ef.
- (6) Ni chaiff ACC ychwaith ddyroddi hysbysiad rhagarweiniol fwy nag 20 mlynedd ar ôl yr adeg yr ymddengys i ACC y gwnaed unrhyw warediad trethatwy y mae'r hysbysiad yn ymwneud ag ef.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Treth Gwareidiadau Tirlenwi (Cymru) 2017, PENNOD 2. (See end of Document for details)

Gwybodaeth Cychwyn

- I3 A. 48 ddim mewn grym ar y Cydsyniad Brenhinol, gweler a. 97(2)
I4 A. 48 mewn grym ar 1.4.2018 gan O.S. 2018/35, ergl. 3

49 Pŵer i ddyroddi hysbysiad codi treth ar ôl dyroddi hysbysiad rhagarweiniol

- (1) Mae'r adran hon yn gymwys pan fo—
(a) ACC wedi dyroddi hysbysiad rhagarweiniol i berson o dan adran 48, a
(b) y cyfnod o 45 o ddiwrnodau sy'n dechrau â'r diwrnod y dyroddwyd yr hysbysiad, neu unrhyw gyfnod hwy y cytunodd ACC iddo, wedi dod i ben.
- (2) Rhaid i ACC naill ai—
(a) dyroddi hysbysiad codi treth i'r person mewn cysylltiad ag unrhyw un neu ragor o'r gwareidiadau y mae'r hysbysiad rhagarweiniol yn ymwneud â hwy, neu
(b) dyroddi hysbysiad i'r person sy'n datgan nad yw'n bwriadu dyroddi hysbysiad codi treth i'r person mewn cysylltiad â'r gwareidiadau hynny.
- (3) Ni chaiff ACC ddyroddi hysbysiad codi treth i berson onid yw'n fodlon—
(a) bod gwareidiad trethadwy wedi ei wneud yn rhywle nad yw'n safle tirlenwi awdurdodedig, nac yn rhan o safle o'r fath, a
(b) bod y person yn bodloni'r amod ar gyfer codi treth ar y gwareidiad.
- (4) Wrth benderfynu pa un ai i ddyroddi hysbysiad codi treth i berson ai peidio, rhaid i ACC roi sylw i unrhyw sylwadau ysgrifenedig a gyflwynwyd gan y person.
- (5) Rhaid i hysbysiad codi treth—
(a) rhoi manylion y gwareidiad neu'r gwareidiadau trethadwy y mae'r hysbysiad yn ymwneud ag ef neu â hwy;
(b) esbonio pam fod ACC wedi ei fodloni bod y person y dyroddir yr hysbysiad iddo yn bodloni'r amod ar gyfer codi treth mewn cysylltiad â'r gwareidiad neu'r gwareidiadau;
(c) datgan swm y dreth sydd i'w godi ar y gwareidiad neu'r gwareidiadau;
(d) esbonio sut y cyfrifwyd y swm hwnnw, gan gynnwys y dull a ddefnyddiodd ACC i bennu pwysau trethadwy'r deunydd a waredwyd;
(e) hysbysu'r person am yr hawl i ofyn am adolygiad a'r hawl i apelio yn erbyn yr hysbysiad o dan Ran 8 o DCRhT.

Gwybodaeth Cychwyn

- I5 A. 49 ddim mewn grym ar y Cydsyniad Brenhinol, gweler a. 97(2)
I6 A. 49 mewn grym ar 1.4.2018 gan O.S. 2018/35, ergl. 3

50 Pŵer i ddyroddi hysbysiad codi treth heb ddyroddi hysbysiad rhagarweiniol

- (1) Mae'r adran hon yn gymwys pan fo ACC—
(a) wedi ei fodloni bod person yn bodloni'r amod ar gyfer codi treth mewn cysylltiad â gwareidiad trethadwy a wnaed yn rhywle nad yw'n safle tirlenwi awdurdodedig, nac yn rhan o safle o'r fath, a

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Treth Gwareidiadau Tirlenwi (Cymru) 2017, PENNOD 2. (See end of Document for details)

- (b) o'r farn ei bod yn debygol y collir treth os yw'n gweithredu o dan adrannau 48 a 49.
- (2) Caiff ACC ddyroddi hysbysiad codi treth i'r person heb ddyroddi hysbysiad rhagarweiniol yn gyntaf.
- (3) Rhaid i hysbysiad codi treth a ddyroddir o dan yr adran hon gynnwys—
 - (a) yr wybodaeth a bennir yn adran 49(5), a
 - (b) rhesymau ACC dros ddyroddi'r hysbysiad heb ddyroddi hysbysiad rhagarweiniol yn gyntaf.
- (4) Ni chaiff ACC ddyroddi hysbysiad codi treth o dan yr adran hon fwy na 4 blynedd ar ôl i ACC ddod yn ymwybodol o unrhyw warediad trethadwy y mae'r hysbysiad yn ymwneud ag ef.
- (5) Ni chaiff ACC ychwaith ddyroddi hysbysiad codi treth o dan yr adran hon fwy nag 20 mlynedd ar ôl yr adeg yr ymddengys i ACC y gwnaed unrhyw warediad trethadwy y mae'r hysbysiad yn ymwneud ag ef.

Gwybodaeth Cychwyn

- I7** A. 50 ddim mewn grym ar y Cydsyniad Brenhinol, gweler [a. 97\(2\)](#)
I8 [A. 50](#) mewn grym ar 1.4.2018 gan O.S. 2018/35, [er gl. 3](#)

51 Talu treth

- (1) Rhaid i berson y dyroddir hysbysiad codi treth iddo dalu'r swm o dreth a godir gan yr hysbysiad.
- (2) Rhaid talu'r dreth cyn diwedd y cyfnod o 30 o ddiwrnodau sy'n dechrau â'r diwrnod y dyroddir yr hysbysiad.
- (3) Os dyroddir hysbysiadau codi treth i fwy nag person mewn cysylltiad â'r un gwareidiad trethadwy, mae'r holl bersonau hynny'n atebol ar y cyd ac yn unigol am y swm o dreth a godir ar y gwareidiad.

Gwybodaeth Cychwyn

- I9** A. 51 ddim mewn grym ar y Cydsyniad Brenhinol, gweler [a. 97\(2\)](#)
I10 [A. 51](#) mewn grym ar 1.4.2018 gan O.S. 2018/35, [er gl. 3](#)

52 Pŵer i wneud darpariaeth bellach

- (1) Caiff rheoliadau wneud darpariaeth bellach neu ddarpariaeth wahanol yngylch—
 - (a) y gweithdrefnau ar gyfer dyroddi hysbysiadau rhagarweiniol a hysbysiadau codi treth;
 - (b) talu swm o dreth a godir gan hysbysiad codi treth;
 - (c) unrhyw faterion eraill sy'n ymwneud â chodi swm o dreth neu dalu swm o dreth o dan y Bennod hon, neu'n deillio o hynny.
- (2) Caiff y rheoliadau ddiwygio neu gymhwys (gydag addasiadau neu hebddynt) unrhyw ddeddfiad sy'n ymwneud â'r dreth.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Treth Gwareidiadau Tirlenwi (Cymru) 2017, PENNOD 2. (See end of Document for details)

Gwybodaeth Cychwyn

- I11 A. 52 ddim mewn grym ar y Cydsyniad Brenhinol, gweler [a. 97\(2\)](#)
I12 [A. 52](#) mewn grym ar 1.4.2018 gan [O.S. 2018/35, ergl. 3](#)

53 Llog taliadau hwyr

- (1) Mae adran 157 o DCRhT (llog taliadau hwyr ar drethi datganoledig) (a amnewidir gan baragraff 58 o Atodlen 23 i DTTT) wedi ei diwygio fel a ganlyn.
- (2) Ar ôl is-adran (1) mewnosoder—
“(1A) Mae'r adran hon hefyd yn gymwys i swm o dreth gwareidiadau tirlenwi a godir gan hysbysiad codi treth a ddyroddir o dan adran 49 neu 50 o DTGT.”
- (3) Yn is-adran (3), ar ôl paragraff (b) mewnosoder—
“(c) yn achos swm sydd o fewn is-adran (1A), y dyddiad sy'n union ar ôl diwedd y cyfnod a bennir yn adran 51 o DTGT.”

Gwybodaeth Cychwyn

- I13 A. 53 ddim mewn grym ar y Cydsyniad Brenhinol, gweler [a. 97\(2\)](#)
I14 [A. 53](#) mewn grym ar 1.4.2018 gan [O.S. 2018/35, ergl. 3](#)

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Treth Gwareidiadau Tirlenwi (Cymru) 2017, PENNOD 2.